





春秋聖人治世之大經也。漢之  
專家各以其業相授。獨廣川董  
氏說春秋事得失。有玉杯繁露  
諸篇。用以決事。國有大議。使使  
者就問。所對皆有法。然仲舒好  
言災異。後儒以其惑於機祥福  
畀。未合乎道。其書又有四時求

兩止兩之文。天人之際。未易言而易言之。其惑不滋甚乎。余則以為其理固有然者。洪範庶徵。所為兩暘燠寒風也。休徵則由肅。乂哲謀聖。咎徵則由狂僭。豫急蒙。在天為五行。在人為五事。五事脩則休徵。類應。悖則咎徵。

類應。此自然之理也。春秋書兩書不兩書。雩。其意有在。董氏之云。不亦宜乎。曩余為清苑。時吾友陳子子文為深澤。于其所見求兩文。無止兩文。欲刊以單行。而未果。繫余懷二十餘年矣。壬辰。余司臬江南。于吳趨書賈。故

書中得是編。乃天啓間福建行  
省武林宋應昌所輯。其釋注直  
而易曉。人所易行。惜其序殘闕。  
僅存。早則閉陽。縱陰。涉則閉陰。  
縱陽。導之使和。數言頗得董氏  
大旨。未可沒也。癸巳携至滇。是  
年春雨苦極。無秋。又極備。稍出  
是書。試輒應。亟鏤版。畀諸郡縣。  
旱乾水溢。牧民者之責也。得是  
編而習之。亦捍災禦患之一端  
乎。夫天人之間。相與微矣。必人事  
盡而後可以求之。天俾休徵。集  
咎徵退。其感召。胥蠶。非知道者  
孰能與于斯。余願與良有司交

勉之。勿視為黃冠家言。委諸無稽。使董氏蒙誣千載。庶幾不失聖人春秋之遺矣。僑工既訖。序之如此。惜子文冢木已拱。不得與之下上其議也。

景陵盧詢

則閉陽縱陰滂則閉陰縱陽無  
非道之使和術涉玄妙至理實  
有余叨後河東自萬曆辛巳冬  
至壬午春夏旱久無雨諸禱不  
應民乃大恐余出是書下有司  
依法禱應捷於影響始信是術

有神驗焉但中詞旨深古行者  
易至錯謬不效則董先生之意  
荒矣故特更次直叙俾易曉也  
然不免有用罔之誚茲刊成帙

尚侯 高明 武林宋應昌識  
天啓三年孟冬上浣福建布政

使司紫薇堂重梓

求雨法

春正月二月三月

一先於甲乙日為大蒼龍一條長八丈今官尺六寸二

分合古周尺一尺居中央又為小蒼龍七條各長四丈


尺寸如前於東方皆東向其間相去各八尺以竹織

造成龍形取潔土填實其中用青紙糊之髯角

耳目爪牙俱全用墨畫麟遮蓋製完待臨時用

一每月於初八十八二十八日於郡邑即州縣東門

之外為四通之壇方八尺稍高於地即止植蒼繒八繒





也蒼深青色也蒼繒為旗  
各八尺樹於壇之八方  
於壇傍開池方八尺

深一尺池中貯水水中○置活蝦蟇五枚

一於壇中設立工共神位備生魚八尾玄酒八大

鐘淡酒也清酒八大鐘美酒也膊八盤膊肋也又脯豚肩也

八盤乾肉也以祭之先於道士端公人役之中擇

潔清有體氣瘡疥者不可用辨口利辭者以祝祝齋三日

臨時穿青衣先再拜乃跪而陳設祭品於壇上

陳訖復再拜乃起祝曰昊天生五穀以養人今

五穀病旱恐不成敬進清酒膊脯再拜請雨雨

幸大澍所選小童八人幼稚之童也皆令先齋三日

齋者不食暈腥不食五辛不飲酒晝夜宿於壇中穿青衣而舞之田嗇

夫即里老務農鄉民也亦令先齋三日穿青衣而立之又

於壇中聚蛇蛇蟻也一名泉龍一名蠃蟻生山內潭中祈禱多聚此蛇置貯水缸

大缸中折柳枝泛其上晒於日中得雨送還本

山又一法取蜥蜴十數條置水甕中令童男女

持柳枝呪曰蜥蜴蜥蜴與雲吐霧令雨霽霽放

爾歸去但不可誤用蜴虎又祈雨之人或道士端公但

能事神者集於壇上依科行禱日色雖熾不可

蠃蟻一名龍  
子一日守宮  
一日蛇醫大  
者長二尺  
其色黑  
蜥蜴小而  
五色尾青  
碧在草曰  
蜥蜴在壁  
曰蠃蟻

張蓋。

一既建壇。便將南門闔閉。斷人行走。置水缸中於門外。

一選頗曉經義道士十餘人。將木郎神呪誦熟。繞壇念之。

一每過三日不雨。具生魚八尾。玄酒八鐘。清酒八鐘。膊八盤。脯八盤。祀齋三日。前人穿青衣。先再拜。乃跪而陳設祭品於壇上。陳訖復再拜。乃起祝曰。昊天生穀<sup>五</sup>以養人。今五穀病旱。恐不成。敬

進清酒。膊脯。再拜請雨。雨幸大澍。前選小童八人。穿青衣而舞之。田耆夫穿青衣而立之。取三

歲雄鷄。

鷄即公

三歲豨猪。

猪即母

皆用火燔

燒也

其尾。

於四通神宇。令勿死。又具老母猪二隻。一置於北門之外。一置於市中。令城中更舖。各置鼓一面。聞壇鼓聲。即逐舖傳於市中。直至北門。各用火燒猪尾。

凡祈雨。傳牌示諭城鎮鄉村居民。開后一於皇曆中。查水日。各里立壇焚香。致禱社神。

一各家於大門外設香卓水一缸每月祀戶

一禁諸人無伐名木松栢樟之木無斬山林

一將各該里社之溝渠疏濬使與閭外之溝相通

一於社中各鑿五池池中貯水水中置活蝦蟇每

池各一枚

一將無主屍體并各家停放屍柩盡令掩埋

一將山谷聚水深處開濬疏通

一將鯉魚或鱉以狗血塗抹投深潭之底

一道路橋梁有壅塞不行者淘決疏通已上各條中有深意

遵而行之  
自有效驗

二幸而得雨以猪一隻酒黍一卓不令豐盛也以白茅

為席不得斬斷以致潔此得雨之後謝神之禮

也

春正二三月求雨為青龍八條向東併聖位壇場

深青色旗八面

香案卓

玄酒八鐘	脯八盤	生魚八尾	膊八盤	清酒八鐘
------	-----	------	-----	------

圖

行禮位所

正神位

方八尺

水池 方八尺

南

相去各八尺

龍龍龍龍


大青龍長八丈

夏四月五月

一先於丙丁日為大赤龍一條長七丈如前居中

央又為小赤龍六條各長三丈五尺如前於南

方皆南向其間相去各七尺以竹織成龍形取



相去各八尺

龍龍龍龍

小青龍長四丈

五

廿

潔土填實其中以紅紙糊之髯角耳目牙爪俱全用紅畫鱗遮蓋製完待臨時用

一每月於初七十七二十七為四通之壇於郡

邑南門之外方七尺稍高于地即止植赤繒七

各長七尺繒帛也赤於壇傍開池方七尺深一

尺池中貯水水中置活蝦蟇五枚

一於壇中設蚩尤神位備赤雄雞七隻玄酒七大

鍾淡酒也清酒七大鍾美酒也膊七盤猪肋也又脯

七盤以祭之於道士端公人役之中擇潔清有體

氣瘡疥者不可用

辨口利詞者以祝。祝齋三日。臨時穿

紅衣。先再拜。乃跪而陳設祭品於壇上。陳訖復

再拜。乃起祝曰。昊天生五穀以養人。今五穀病

旱恐不成。敬進清酒膊脯。再拜請雨。雨幸大澍。

前選壯者七人。皆令先齋三日。齋者如前臨時穿紅

衣而舞之。司空官名。今無此官。以道官代之。嗇夫即務農鄉民也。亦

令先齋三日。齋如前臨時穿紅衣而立之。又祈雨

之人。或端公道士。但能事神者。集於壇上。依科

行禱。日色雖熾。不許張蓋。

一既建壇。便將南門闔閉。斷人行走。置水缸中於

門外。

一選頗曉經義道士十餘人。將木即神呪誦熟。繞

壇念之。

一每過三日不雨。具赤雄鷄七隻。玄酒七鐘。清酒

七鐘。膊七盤。脯七盤。祀齋三日。前人穿紅衣再

拜。乃跪而陳設祭品於壇上。陳訖復再拜。乃起

祝曰。昊天生五穀以養人。今五穀病旱恐不成。

敬進清酒膊脯。再拜請雨。雨幸大澍。前壯者七

人穿紅衣而舞之。司空嗇夫亦穿紅衣而立之。又取三歲雄雞三歲豨猪皆用火燔其尾令勿死。

凡祈雨傳牌示諭城鎮鄉村居民開后。

一凡遇水日城市鄉村人家各祭竈神。

一將泉井淘浚使深勿留汙濁。

一將春杵搬本家門外置之街道。

一將各該里社溝渠疏通使與閭外之溝相通。

一於社中各鑿五池池中貯水水中置活蝦蟆每

池各一枚。

一禁各家毋得擅動土工違者四鄰舉首究治。上

各條中有深意遵而行之自有効驗

一幸而得雨以猪一隻酒黍一卓不令豐盛也以白茅

爲席不得斬斷藉以致潔此得雨之後謝神之

禮也。

夏 四五月爲赤龍七條向南併聖位壇場

大赤龍長七丈  
小赤龍三丈五尺

龍 龍 龍

六丈五尺

南龍大龍

龍 龍 龍

七丈

蚩尤神位  
方七尺

香案卓

清酒七鐘

膊七盤

赤雞七隻 禮北

脯七盤

玄酒七鐘

水池  
方七尺

赤紅色旗七面

季夏六月祈雨法

一禱山陵以助之

山陵能興雲致雨  
當禱之以助求

一令郡邑徙市於郡邑南門之外五日禁男子無  
得行走入市

一於戊巳日為大黃龍一條長五丈

今官尺六寸二分合古周

尺一

居中央又為小黃龍四條各長二丈五尺

尺一

於南方皆南向其間各相去五尺以竹織

成龍形取紫土填實其中用黃紙糊之髯角耳目瓜牙俱全用黃畫鱗遮蓋製完待臨時用



一聚巫

巫即祈雨道人

於徙市之傍。為之結蓋以覆之。為

四通之壇於中央。植黃繒五

黃帛為旗各長五尺樹於壇之五方

於壇中設后稷神位。備母

音模飽音移五盤。玄酒五

大鐘。

淡酒也清酒五大鐘。

美酒也膊五盤。膊助也又豚肩也

脯五盤。以祭之。於道士端公人役之中。擇潔清

有體氣瘡疥者不可用辨口利詞者以祝。祝齋三日。臨時

穿黃衣。先再拜。乃跪而陳設祭品於壇上。陳訖

復再拜。乃起祝曰。昊天生五穀以養人。今五穀

病旱恐不成。敬進清酒膊脯。再拜請雨。雨幸大

澍。前選大夫五人。皆令先齋三日。

齋者不食葷腥不食五辛

不飲酒晝夜宿於壇中

穿青衣而舞之。老者亦令先齋三

日。

齋如前穿黃衣而立之。又祈雨之人。或端公道

士。但能事神者。集於壇上。依科行禱。日色雖熾

不許張蓋。

一既建壇。便將南門闔閉。斷人行走。置水缸中於

門外。

一選頗通經義道士十餘人。將木郎神呪誦熟。繞

壇念之。

一每過三日不雨。具母飽五盤。玄酒五鐘。清酒五鐘。膊五盤。脯五盤。祀齋三日。前人穿黃衣。先再拜。乃跪而陳設祭品於壇上。陳訖復再拜。乃起祝曰。昊天生五穀以養人。今五穀病旱。恐不成。敬進清酒脯膊。再拜請雨。雨幸大澍。前選丈夫穿黃衣而舞之。老者穿黃衣而立之。又取三歲雄鷄。鷄即公三歲豶猪。即母猪皆用火燔燒其尾。於四通神宇。令勿死。

凡祈雨傳牌示諭城鎮鄉村居民開后

一凡遇水日。城市鄉村人家。各祭竈神。

一將泉井淘浚使深。勿留汗濁。

一將春杵盡搬本家門外。置之街路。

一將各該里社溝渠疏濬。使與閭外之溝相通。

一於社中鑿五池。池中貯水。水中置活蝦蟇。每池各一枚。


一令各家祭中霤。即中室勿得擅動土工。違者四

鄰舉首究治。

一禁男子無得行走入市。以上各條中有深意。遵而行之自有効驗。

一幸而得雨。以猪一隻。酒黍一卓。不令豐盛也以白茅為席。不得斬斷。藉以致潔。此得雨之後。謝神之禮也。

季夏 六月為黃龍五條向南併聖位壇場



大黃旗五面

於社中鑿五池。池中貯水。水中置活蝦。蟄每池一枚。

秋七月八月九月

一先於庚辛日為大白龍一條長九丈今官尺六寸二分合

古周尺一尺居中央又為小白龍八條各長四丈五

尺於西方皆西向其間相去各九尺以竹織成

龍形取潔土填實其中用白紙糊之髯角耳目

爪牙俱全用粉畫鱗遮蓋製完待臨時用

每月於初九十九二十九日於郡邑卽州西門

之外為四通之壇方九尺植白繒九繒帛也以

各長九尺樹於壇傍開池方九尺深一尺池中

貯水水中置活蝦蟇五枚

一於壇中設立大昊神位以桐木刻成木魚九尾

玄酒九大鍾淡酒也清酒九大鍾美酒也膊九盤膊

也又豚也脯九盤乾肉也而祭之於道士端公人役

之中擇潔清有體氣瘡疥者不可用辨口利詞者以祝祝

齋三日臨時穿白衣先再拜乃跪而陳設祭品

於壇上陳訖復再拜乃起祝曰昊天生五穀以

養人今五穀病旱恐不成敬進清酒膊脯再拜

請雨雨幸大澍前選鰥者老而無妻九人皆令先齋

三日。齋者不飲酒。晝夜宿於壇中。穿白衣而舞之。

司馬。官名。今無此官。以巡捕官代之。亦令先齋三日。

穿白衣而立之。齋如前。又祈雨之人。或道士端公。

但能事神者。集於壇上。依科行禱。日色雖熾。不

許張蓋。

一既建壇。便將南門闔閉。斷人行走。置水缸中於

門外。

一選頗曉經義道士十餘人。將水卽神呪誦熟。繞

壇念之。

一每過三日不雨。具桐木魚九尾。玄酒九鐘。清酒

九鐘。膊九盤。脯九盤。前人穿白衣。先再拜。乃跪

而陳設祭品於壇上。陳訖復再拜。乃起祝曰。昊

天生五穀以養人。今五穀病旱。恐不成。敬進清

酒。膊脯。再拜請雨。雨幸大澍。前選鰥者九人。穿

白衣而舞之。代司馬者穿白衣而立之。又取三

歲雄雞。卽公雞。豕。卽母猪。皆用火燔其尾於四通

神宇。勿令死。

凡祈雨。傳牌示諭城鎮鄉村居民。開后

一禁各家不許焚燒山澤。淘取鐵冶。亦不許將金銀銅鐵之物銷化。

一令各家設香卓。每日祀門。

一於社中各鑿五池。池中貯水。水中置活蝦蟆。每池各一枚。

一幸而得雨。以猪一隻。酒黍一卓。不令豐盛也以白茅

為席。不得斬斷。藉以致潔。此得雨之後。謝神之

禮也。

秋七八九月為白龍九條。向西併聖位壇場。

龍

大白龍長九丈  
小白龍長四丈五尺

龍

白色旗九面

龍

清酒九鍾

龍

香膊九盤

西大龍

太昊神位

案桐木魚九尾東

龍

四方九尺

卓脯九盤

龍

水池玄酒九鍾

龍

方九尺

龍

南

冬十月十一月十二月

一先於壬癸日為大黑龍一條長六丈今官尺六寸二分合

古周尺一尺居中央又為小黑龍五條各長三丈尺

如前於北方皆北向其間相去各六尺以竹織成

龍形用黑紙糊之髯角耳目瓜牙俱全用煤畫

鱗遮蓋蓋製完待臨時用

一每月於初六十六二十六日於郡邑卽州北門

之外為四通之壇方六尺植黑繒六繒為旗各

長六尺樹於壇中於壇傍開池方八尺深一尺池中貯

水水中置活蝦蟇五枚

一於壇中設立玄冥神位備黑狗子六隻小乳玄

酒六大鍾淡酒也清酒六大鍾美酒也膊六盤膊也

豚肩也脯六盤乾肉也以祭之於道士端公人役之

中擇潔清有體氣瘡疥者不可用辨口利詞者以祝祝齋

三日臨時穿黑衣再拜乃跪而陳設祭品於壇

上陳訖再拜乃起祝曰昊天生五穀以養人今

五穀病旱恐不成故進清酒膊脯再拜請雨雨

幸大澍前選老者六人皆令先齋三日前齋如穿

一 既建壇。便將南門闔閉。斷人行走。置水缸中於門外。

一 選頗曉經義道士十餘人。將木卽神呪誦熟。繞壇念之。

一 於壇中。假物爲舞龍一條。令不時而舞之。欲其不蟄不垂不卧。而興雲致雨也。

一 於境內有名之靈山祈禱求。欲出雲以助之。

一 每過三日不雨。具黑狗子六隻。玄酒六鍾。清酒六鍾。膊六盤。脯六盤。前人穿黑衣。先再拜。乃跪而陳設祭品於壇上。陳訖復再拜。乃起祝曰。昊天生五穀以養人。今五穀病旱。恐不成。敬進清酒。膊脯。再拜請雨。雨幸大澍。前選老者六人。穿黑衣而舞之。尉亦穿黑衣而立之。又取三歲雄雞。卽公雞三歲。豕。卽母猪皆用火燔。燒也其尾於四通神宇。令勿死。

凡祈雨傳牌示諭城鎮鄉村居民開后



一令各家人祀井。凡井涇則浚之。溝塞則通之。  
冬十月十一月十二月為黑龍六條向北併聖位

壇場

大黑龍長六丈 深黑色旗六面

清酒六鍾

脯六盤

小黑狗六隻南

脯六盤

玄酒六鍾

北

大龍

龍

龍

龍

龍

龍

玄真神位  
方六尺

香案

水池  
方六尺

小黑龍長三丈

○酉陽雜俎載祈雨法

王彥威鎮汴夏旱李杞過汴因宴王以旱為言李

醉曰欲雨甚易尔可求蛇醫四頭石甕二枚每

甕實以水浮二蛇醫以木盖密泥之置於鬧處

甕前後設席燒香選小兒十歲以下者十餘人

令執小青竹晝夜擊其甕不得少輟王如言試

之一日兩夜雨大注蛇醫即蜥蜴也覓之山澤

中以帶綠色者為真不可誤用蜴虎

○止雨法

一四時雨太多郡邑

即州縣

出令各居民於皇曆內

擇土日塞水道蓋井面禁婦人不得行走入市

一郡邑打掃社壇郡邑若知州知縣或州同縣丞

吏與耆夫

即務農鄉民

三人以一人祝禱鄉閭耆夫

與吏三人以一人祝禱里長與耆民三人以一

人祝禱皆令先齋三日

前齋如

各穿時衣

如春天穿青夏

天穿紅秋天穿白冬天穿玄

備羊一隻猪一口酒黍一卓擊

鼓三日而祝先再拜乃跪而陳設訖復再拜乃

起祝曰。天生五穀以養人。今淫雨即久雨也太多。五穀不和。敬進肥牲清酒。以請社靈。幸為止雨。除民所苦。毋使陰滅陽。不順於天。天之意。常在於利人。人願止雨。敢告於鼓。鼓而無歌。至罷乃止。一將里社用紅絲索繞拾週。祝禱者穿紅衣。頭戴紅巾。以請神。祝其罷雨。

一皆以辛亥之日。州縣之社。若州同縣丞。各里之社。若耆夫吏與里長里人。皆出於社下。日晡而罷。晡申時也三日而止。如未及三日。天大星。晴可必。

矣。亦止之。

瓊瑤白玉蟾武夷集

○木即祈雨神呪文

乾晶瑤輝玉池東

擲火萬里坎震宮

水即太乙三山雄

坤震異土皓靈翁

流精鬱光奔祝融

黑幡竈熏揚虛空

明威聖者命青童

兩騎迅發來太濛

霹靂破石泉源通

猛馬四張歛火衝

巨神恭華登雲中

掩曦蒸雨屯雲濃

闕伯撼動崑崙峰。  
馮夷鼓舞長呼風。  
龍鷹捷疾先禦兇。  
雷電吐毒驅五龍。  
一聲四海改昏蒙。  
金光流精斬旱虹。  
玉雷浩師變崆峒。  
群梁玄黃號前鋒。  
歛火律令翻穹窿。

幽靈翻海玄溟洞。  
蓬萊弱水興都功。  
朱髮巨翅雙目彤。  
四溟變黠羅陰容。  
雨陣所至川流洪。  
洞陽幽靈召靈霍。  
虛皇泰華掃妖燼。  
祠泉恣虜威天公。  
鞭擊妖魅驅蛇蟲。

勾婁吉利炎赫蹤。  
織女四歌心公忠。  
赤鴟紫鷲飛無窮。  
勅紫虛元君降攝急急如火鈴。  
大師律令  
木郎祈雨神呪解。

登僧澤願悉聽從。  
輔我救旱助勛隆。  
攝雪縛祟送北陰。

乾晶瑤輝玉池東

乾者亥方也西北之位爲天門也天中之晶乃  
瓊華瑤輝之境梵氣之上玉符之中有玉池東  
際乃空洞之城是雷神所居之所也

明威聖者命青童

九天有無極明威真人迺聖者也真人行號令  
召命東方蠻雷神將姓朱名青童

擲火萬里坎震宮

擲火萬里乃雷師之威也流鈴八衝乃雷母之  
權也自坎之震乃自北而東也地從東北而生  
故東北乃雷府之官故易曰雷在地中復也  
雨騎迅發來太濛

雷車雨騎風駕雷轅皆雷神部從也奮迅自空

中而來故曰來太濛也

木即太乙三山雄

太乙碧玉之府乃木即皓靈神君居其左主祈  
雨瑞華東靈神君居其右主祈雪左宮有三山  
右宮有四壘木即乃太乙府左宮三山之雄神  
也

霹靂破石泉源通

雷神以雷槌雷斧破石通其旱涸之泉源也

坤震與土皓靈翁

坤屬西方震屬東方巽屬南方以西方之金尅  
東方之木以東方之木生南方之火以南方之  
火生中央之土土能尅水水師乃皓靈翁也歛  
火神居西方主帥辛判官在東方邵陽雷翁在  
南方五方蠻雷會於玉樞使相之中宮玉樞乃  
斗樞也斗中有都水使者乃皓靈翁也是故激  
厲如是

猛馬四張歛火衝

雷神乃四方驅猛馬中宮歛火飛空下乃雷呪

中語

流精鬱光奔祝融

水神名玄溟字流精雨神名漭滉字鬱光火神  
名回祿字祝融以水神雨神駈奔火神也

巨神泰華登雲中

泰華乃東嶽主卿巨神乃西嶽白虎神主也奔  
沛於雲中也

黑幡竈燾揚虛空

黑幡竈燾狀以陰雲飛揚虛空沛然下雨

掩曦蒸雨屯雲濃

屯聚濃雲掩隱炎曦釀陰雨也

闕伯撼動崑崙峯

南方熒惑星君下有闕伯神君撼動崑崙之山頂有天河也此言火神動山嶽頂天河也

幽靈翻海玄溟洞

水神名玄溟波神名翻海江神名幽靈此言波神用力與江神用力而水神亦同力行雨也

馮夷鼓舞長呼風

九天波主帝君乃馮夷也鼓舞長呼起風雨也

蓬萊弱水興都功

蓬萊有都水使者弱水有水功使者

龍鷹捷疾先禦兇

雷府有火龍之車火鷹之騎先禦炎兇也

朱髮巨翅雙目彤

歛火律令鄧太師有朱髮兩畔肉翅銀牙耀目

雷電吐毒驅五龍

雷公電母吐威毒之勢驅五海之龍

四溟變黳羅陰容

四海黯靄森羅陰色

一聲四海改昏蒙

霹靂一聲則四海之內改炎而爲昏蒙

雨陣所至川流洪

雨騎而陣飛空而至川流洪水

金光流精斬旱虹

金光流精乃西南雷神人首神身仗火劍斬

蟄螻

洞陽幽靈召靈靈

洞陽幽靈乃東北雷神人首魚身號召雷師靈

靈也

玉雷浩師變崆峒

玉雷浩師乃東南雷神人首龜身變陰黑之色

滿雷府崆峒之城也

虛皇泰華掃妖燼

虛皇泰華乃西北雷神人首蛇身掃蕩為旱之

妖燼



群梁玄黃號前鋒

群梁玄黃乃神也風勢號於雷陣之前鋒

祠泉恣蜃威天公

祠者禱也泉者龍潭也恣者縱也蜃者蛟虬也

威天公者施行天公之威也

歛火律令翻穹窿

歛火律令鄧元帥飛衝行穹窿虛空之表

鞭擊妖魅驅蛇蟲

旱魃旱妖乃為旱之鬼魅異蛇怪虫乃倦晦之

隱龍

勾婁吉利炎赫蹤

勾婁吉利之言在雷府乃火龍之字言火龍有

炎之赫赫蹤事見方丈王侍宸紫薇之雷書

登僧澤頤悉聽從

登僧澤頤之言在雷府乃火車之字言火陣元

帥聽從五雷之號令也事見方丈王侍宸雷書

織女四歌公心忠

織女四歌之言在雷府乃霹靂大仙其心公忠

為民祈雨

輔我救旱助勛隆

雷神風神雨神電神助吾救旱按法書云救旱  
一次以其陰功陞轉一階准活一百二十人失  
旱過兩旬遷三階

赤鵠紫鷲飛無窮

唐天師葉法善雷書中有赤鵠紫鷲之符投於  
東南水甕中誦水即呪可致風雨事見方丈法  
書

上天好生不嗜殺人何以有旱澇之害民也曰  
陰陽之理天人一而已矣天之雨暘人之血氣  
也天之旱澇人之寒燠也是以天有陰陽而後  
有雨暘有雨暘而後有旱澇陰陽不和則雨暘  
不時而旱澇之患數十年間不能無一發意必  
有法焉筆之于書行之于世燮理之調和之此  
其道如醫者然聿稽古昔水災不絕書大旱不  
勝紀九州之禍七年之患不啻病入膏肓勢難  
藥救投以猛劑卒不能遽平他如一歲一方或

滂或旱數十年間徃々而有此雖癘疾然不治卒至大病惟是天幾々乎不能自主而諉其權于人余雅不好術數祈晴禱雨與術數近然有至理寓乎其間今夫天陰勝而患雨疾陽勝而患暘疾因流而為滂流而為旱有善醫者于此補偏救弊太洩者秘之使厚其箴太滯者宣之使舒其鬱而火龍赤幟雨脚水師遂不復為患天非故為曲徇人情也旱滂沍毒勢非得已不藥則無救藥之斯受之矣猶之人患寒燠症

不能自為理遇一良醫使之一朝決去而患者反不欲奉命于醫者有是理哉海昌陳子々文者盧方伯公忘形友也公為余言與子文共燈數十載相對每以溥濟民生為念尋遍索祈禱法若不即得後子文得求雨法無求晴法及讀漢魏叢書二者幸兼有之第求晴法又畧而不詳歲壬辰公觀察江南檢閱書肆亂堆中得獲是書精詳明備喜不自禁迨癸巳夏奉命宣化滇南正值霪雨經旬不藥將蔓公乃恍然

曰是書可以行世矣。施之果效，不敢私厥所好，亦不敢忘厥所自。命剗厠，付梨棗，俾天下後世咸得曉然于用法之所在，而水滂之患，數十年一發者，亦不至大病。庶有以愜生平之志願，并有以慰子文陳子，且有以傳述應昌宋君也。宋君明天啓福建布政，當時慨然付梓，公世所可異者，以公數十年之蓄志積慮，渺不可致之物，一旦以無意中得之，意者天之假手于公乎？裁成輔相，公實與有責矣。不然，斷簡殘編，古今來湮沒而不彰者，可勝道哉。

知雲南府事東寧董天錫敬識

國

朝圖  
藏書

